



04. marts 2010

UPA 2010/153

Inatsisartut Suleriaasianni § 32 naapertorlugu aalajangiiffisassatut siunnersuut imattoq matumuuna saqqummiuppara:

**Kalaallit Nunatsinni oqaatsit pisortatigoortut innuttaasunit kalaallisut oqaaseqanngitsunit ilinniarneqarsinnaanngoqqullugit ilinniutitigut siuarsaasoqarnissaannik Naalakkersuisut suliniuteqaqqullugit Inatsisartut aalajangiiffisassaattut siunnersuut.**

(Inatsisartunut ilaasortaq Aleqa Hammond, Siumut)

**Tunngavilersuut:**

Juunip 21-ani 2009-mi Namminersorneq equnneqarmat nunatsinni oqaatsit pisortatigoortut tassaalerput kalaallisut oqaatsivut. Inuiattut tullusimaarutigaarput kiisami inuaqatigiinni oqaatsivut pisortatigoortumik oqaasiulermata pisussaaffeqalerpugut erseqqisumik oqaatsitta pisortatigoortumik atorneqarnerannut politikeqalissalluta.

Isumaqpunga kalaallisut oqaatsitta soqtigineqarnerat annertusiartortoq. Isumaqluinnarpungalu suli aatsaat oqaatsitta pisortatigoortunngornerisigut suli ilinniarusussuseqarnerulerermik kinguneqarumaartoq.

Kalaallisut oqaaseqanngitsut kalaallisut oqaatsitsinnik ilinniarusukkaluarlutik atortussaaqeinerartarput aammalu pikkorissarfissaminnik neqeroorutinik amigaateqarnerartarput. Taamaamat isumaqpunga Naalakkersuisut sulissutigissagaat inuaqatigiinni kalaallit oqaasiisa pisortatigoortuusut amerlasuunit ilinniarneqarsinnaaleqqullugit sakkussanik amigaatigineqartunik inerisaasariaqartut tamattaalluta akisussaaqatigiikkatta kalaallit oqaasiisa ilinniarusunneranik tapersersussallugit.

Ilisimaneqartutut Oqaatsinik Pikkorissarfimmit kalaallit oqaasiinik ilinniartitsisoqartarpoq atorluarneqartartorlu ilisimavarput. Soorlu aamma Oqaasileriffimmit periarfissiissutaasoq kalaallisut ord bogi allaat mobilitigut atorneqarsinnaasoq aammalu SMS-tigut Oqaatsinik Pikkorissarfimmit kalaallisut ilinniutinik nassitsisoqarsinnaasoq. Illoqarfitt amerlanerit kalaallit oqaasiinik inersimasunut ilinniartitsissuteqartarput minnerunngitsumillu nuannerpoq kalaallisut oqaaseqanngitsorpassuit aamma kalaallit oqaasiinik ilinniutit tamakku periarfissat atorlugit ilinniartarmata.

Taamaattoq oqaatigineqartuartarpoq ilinniartitsinissamut neqeroorutit ikippallaarnerisa kinguneranik kalaallisut ilinniarusussinnaagaluartut periarfissaqanngitsoortartut, taamaamat aalajangiiffisassatut siunnersuusiornikkut aqqutissiuusseqataajumavunga kalaallisut oqaaseqanngitsut sabinngisamik kalaallisut ilinniarsinnaanissaannut pitsasunik atugassaqarnissaannik. Neriuppunga Inatsisartut suleqataalluarlutik kalaallisut ilinniarusuttunut atugassatigut siuarsaaqataarusussuseqassasut taamaalillutik kalaallisut oqaatsitta pisortatigoortuusut katersuuffigineqarnerat aamma annertusaaqataaffigisinnaaniassagamikku.